


Matburungni Chin



Amazing Facts
Poraiani

20



MIKRAKATANI: Diabol nang-ko ia Poraianiko matchotataniko nangnikjaenga!

Tattoo ka-ani nombor, be-enni bigilo computer chipko donani, ba maiba ma-sina neng-gipa tol-napani? Ian Sastro gimiko katchinikanirangoni mingsa pe-sretbatgipa ong-a – indioba ian namen nangchongmotgipa u-ie ra-ani ong-a. Matburungni chinni gimin poraiano, an-ching mitam u-ie ra-na nanganirangni gimin agangrikna nanga, bimumrangko mingani aro jean dintangmanchagipa ong-a. Iako mingsingani gimin dakna nangani ong-ja, indiba an-ching kimkime dakna nanggen maina Isol An-tangni manderangna ka-sara aro uamangko bebeni gimin u-ie ra-aniko nangnika. Ia nama kata an-chingoni ong-ja; ian Jisuoni re-bara. Aro iako ra-giparang jringjirotna sianiko mikkangchakna nangengon, Uko dakchakna ia nama kattako sualgijaniara gualbeani ong-genchim. Uni gimin kasapae **Parape-a 13:1-8, 16-18, aro 14:9-12** ko poraibo, aro iako poraina skang Gisik Rongtalgipana nang-na bebegipa u-iani ka-tongko aro u-ianiko on-china bi-bo.

Nangchongmotgipa Gisik Ra-atani

Anching Poraiani lesson 2 oniko skie raaniko dakaha je namen namjabegipa dagrikani Isol aro diabolni gisepo ongengaha. Ian ritcha bilsirangna Lucifer, salgini nitobatsranggipa sa-gre, Isolni kosako bobil dake chakatani somoioni bilonggipa ka-o nanganiko ong-ataha. Unbaksa bakrimgipa sa-grerang baksa, ua salgi gimikko sasono donna jotton ka-aha. Isol aro Una bame donggipa sa-grerangna mamung baseani chol dongjaha indiba Lucifer aro uni sa-grerangko salgioniko galatna nangaha. Lucifer jekon Satan ine mingsikaha, namen ka-onangbeaha. Ua somoionin salgisakko an-tangni sasono donna bilaken miksongaha. Aiao inmanpile, ua an-tangni bobil dake chakatano a-gilsakni manderangko bang-bate chakpaaniko man-aha. Gitelba manderangni kakket ong-aniko aro chakpaaniko am-aha, indiba Ua pilaknan jakgitele basee ra-aniko dakchina donaiaha. Ru-utgijan a-gilsako donggipa mande sakantian Satan ba Isol baksa bakrimaniko dakgen. Isol aro Satanni gisepo bon-kamgipa dagrikani mikkangchi ong-enga, aro iako Parape-a ki-tapo talataniko dakaha. Ia katchinikani ki-tap mesokaniko dakaha je Isolo chin donga, jean Uni manderangko u-ina dakchakgen. Satanba chin donga, jechin una chakpagiparango u-ina man-gen. Dakrongbaenga gita, Satan a-gilsakni bilchi kam ka-gen – jekon Parape-a ki-tapo matburungni chinchin mesokaha – an-tangni chinko ra-na dragen. Ia Poraiani matburungni chinko parape-gen, jean gimagipa mande sakantian bon-kamani somoio ra-chakgen. Na-a uni chinko u-ijaskalde, maikai na-ara uko ra-aoni gelna man-gen?



1

Matburungni chinara maia uko u-inade, an-ching skanggipa matburungko u-ichengna nanggen. Maikai Satroo iani gimin talataniko dakaha?

Aganchakani: Parape-a 13:1-8, 16-18 rango u-ina ming 11 uni cholon aro bewalrangko on-soaha.

- A. Ian sagaloni ong-kataha (**pod 1**)
- B. Ian **Daniel 7** o janapgipa matburung mang 4 baksa dondimgipa ong-a (**pod 2**).
- C. Drakon una bilko aro nokgipa ong-ani bilko on-aha (**pod 2**).
- D. Ua sinasipile mataka manaha (**pod 3**)
- E. Ua sinasipile matara namatpilaniko man-aha (**pod 3**).
- F. Ian bilakgipa sason ka-ani bil ong-a (**pod 3, 7**).
- G. Ian bilakgipa toromni bil ong-a (**pod 3, 8**).
- H. Ian kal-stape aganano dosi ong-a (**pod 1, 5, 6**).
- I. Ua dakgrikaha aro rongtalgiparangko amaha (**pod 7**).
- J. Uan 42 jarangna sason kaa (**pod 5**).
- K. Uo u-ina man-gijagipa nombor donga – 666 (**pod 18**).


Ia mesokatanirango mitam u-ironggimin chin dongama? Uarango dongna nanga! Jensalo an-ching **Daniel 7** ni antichristni gimin poraiahaon, na-a skango uarangoni bang-akon chagrongaha. **Parape-a 13:1** o janapgipa “matburungara” “antichristna” on-gipa bimung ong-a jekon an-ching **Daniel 7** popean ong-a ine skie ra-aha. Daniel aro Parape-a kitaprangko katchinike seanirang bang-a changon mesoktaitaianiko daka, changantion chu-gimik talataniko on-dapaha jedakode chong-mot ong-e pe-e agananiko dakna didiataniko man-gen. Antichristni gimin maiaba gitalgipa kattarangko ia Poraiaoniko skie ra-na ka-dongsobo. Da-ode hai an-ching mingprak prak dake chanchiate ninaha, ming 11 chanchianirang matburungni gimin talataniko daka ...

- A. **Ian sagaloni ong-katgenchim (Parape-a 13:1)**. Sagal (ba chi) ara katchinike aganano manderangko ba mande jinma donganiko agana (**Parape-a 17:15**). Uni gimin matburung – antichristara – a-gilsakni jat ma-chongrangoni ong-katgen. Pope Saliram Europeoni ong-katbaaha, uni gimin ian uko kragipa mesokani ong-a.

Agantalatani

Pilak manderangko mande ra-na (**1 Pitör 2:17**) Isolni ge-etani baksa apsan ong-a ine, an-ching popeni bang-a nama kamrangko ra-chakna dikdiksa da-o dongdike chanchiatna. Uni sana banani kamrang, ma-gri pagrirangna simsakani, kangalrangko nirokani, bia ka-gijagipa ma-giparangna nokrangko rike on-ani, bilsa re-anggiparangna simsakaniko onani jekon agilsak mitelaniko dakaha. Beben ua bang-a kamrangan mitelaniko aro mandera-aniko man-na krabea. Indiba, pilak gipin dolrang gitan apsan, uaba namen gualanirangko dakaha. Isol ia mitam gualanirangko Parape-ao mesoke on-aha. Gitel, jean pattioaba aro ka-dimeatanirangko dakoba, baksakobarangde manengna aro namdapataniakoba dakna nanga. Ka-sapae na-a ia nangchongmotgipa chanchiani gimin poraianiko dakangna Uni Gisikko nang-na aganchina bi-bo.





B. Ian Daniel 7 o janapgipa mangbri matburungrangoni mangsa ong-a (Parape-a 13:2). Maikai ia pilakan damsan melia ka-mao donsogipa tosusaanirangko poraibo:

Babylon

Medo-Persia

Greece

Rommi

Daniel Odai 7

Singho gita dakgipa matburung (pod 4)

Mapil gita dakgipa matburung (pod5)

Matchapeng gita dakgipa (pod 6)

Grong gongchikkung matburung (pod 7)

Parape-a 13

"Singhoni kusik" (pod 2)

"Mapilni jaarang" (pod 2)

"Matchapeng gita dakgipa (pod 2)

"Grong gongchikkung donggipa (pod1)

Daniel 7 ni mangbri matburungrang antichrist, matburungni bak ong-a ine mesokaha, maina pope songnok dambriangko songsarekni bebero-anirangko aro dakbewalrangko ra-gataha. Ua uamangko gisikni gandingo ganataha aro uarangko Kristianni skianirang ine a-gilsakna gipataha. Iarangoni mingsa skianiara: "Badiabaode, pope an-tangni doltangna Rome songnokoniko ra-aha, Socrates, Plato, aro Aristotlemaangni skianirangko ripingaha, Niam grigipa, ka-namgijagipa manderangni aro Roman Songnok Byzantine ni kamrangko ra-gataha, indiba a-paloni pilak niamrangko ra-gate pangnan an-tango donaha."¹ Ian popeni kamna tik meligipa ong-a.

C. Matburung an-tangni bilko, singhasonko, aro nokgipa ong-aniko drakononiko man-aha (Parape-a 13:2).

Drakono talatnade, an-ching **Parape-a 12** ona re-angna, jeon Isol bon-kamgipa somoini mondoliko rongtalgipa me-chikchi mesokaha. Katchinike aganania, rongtalgipa me-chik Isolni chong-motgipa manderangko ba mondoliko (**Jeremia 6:2**) mesoka. (Poraiani 23 Chinga **Parape-a 12** ni Isolni bon-kamgipa somoini mondolini gimin tale mesokaniko dakgen. Poraiani 22 o **Parape-a 17 aro 18ni** gimin talataniko daka, jeon ga-akgimin mondolirangko ga-akgimin ma-giparang aro uni ga-akgimin demechikrangchi mesokaha.) Rongtalgipa me-chikko biolo donggipa aro an-paknasigipa dake mesokaha. Drakon atchiani somoio bi-sako minokna ka-dongengachim. Indioaba, jensalo bi-sa atchion, Ua drakononi kate jokaha, An-tangni kamko chu-sokataha, aro indake salgichi gadoangaha. Bi-sa Jisuko mesoka, jekon Herod Bethlehemni pilak bi-sarangko so-ote galachi nisiatna jotton ka-aha (**Mati 2:16**). Uni gimin drakonara songsarek Romeko mesoka, jenin Herod raja ong-achim. Herodni so-otna mangsonganiko chu-sokatna diabolon ong-achim (**Parape-a 12:7-9**). Satan dingtang dingtang cholrangchi an-tangni ong-sigipa kamko chu-sokatna kam ka-aha — ia obostaode, songsarek Romechi ong-a.

Uano bang-a sakkirang donggenchimoba minggnikoson serikaoniko mesokatenga: (1) Romeni mondoli ... an-tangko A-gilsak Rome songnokni biapo donataha, jeon Pope rajani jamano onge sason kaaniko dakanguaha."² (2) Bilakgipa Katolik Mondoli Rome Songokna on-titisan batachim. Rome dingtang dakako man-aha aro toRomrangna bebero-anionaba pil-atako man-ahachim. Gitcham Rome Songnokni skotong songjinma Kristian Songnokni skotong songjinma ong-baskaha. Pontifex Maximus office Popeni ong-baaha."³ Indake iaba popeni kam baksa meliaha. Ua an-tangni skotong songjinmako aro bilko songsarek Romeoniko man-aha.

D. Ua sinasipile matatako man-gen (Parape-a 13:3).

Jensalo Napoleoni general, Alexander Berthier, sinasipile matatahaon, Romeona napangaha aro Pope Pius VI ko 1798 bilsini February jao rimgittangaha. Napoleon niamko dakaha je popeni siani jamano, popechi sason kaaniko dakangjawaha. Pope France o 1799 bilsini August jao siaha. "Europeni adha grik manderang chanchiaha je Pope baksana Popechi sason kaaniba siaha."⁴ Uni gimin ian popeni sason ka-aniko melia ine mesoka.

E. Matata man-gipa nampilatako man-gen, aro a-gilsak gimikan matburungna mande ra-aniko dakgen (Parape-a 13:3).

Nampilatani jamanonin, popeni bilakani dal-roroaha. Da-alo ua a-gilsako toRomrangna aro sason ka-anirangoni bilakbatsranggipa ma-malsa ong-aha.

Popeni gimin

Uan an-chingni a-gislako namedake u-igipa mande ong-a. A-gilsakni manderang uko bilakgipa toromni dilgipa ine nika. Hajal Katolikrang aro Katolik ongigijaparang jensalo ua gipin a-songrangona re-angon uko grongna jinma chimonga. 2015 bilsio, ua skanggipa changna itihaso U.S Congressni tom-bimonganio Aganpraktigipani dakaha.

Popeni Kamni gimin

Saksa America baltigipani aganani gitade, Vaticaniko "knatimmangmangaichide toatna amsokgijani ong-a."⁵ A-gilsak gimikko sasono donna, Popechi kam ka-anikode tarisomanaha. Mata pari nampilengaha ine rongtalbeen nikna man-a, aro jatrangni mikronrang Vaticanchina niattokengaha, ian Sastroni katchinike agansoaniko gita chu-sokengaha.

F. Ian bilakgipa sason ka-gipa bil ong-gen (Parape-a 13:3, 7).

Kosako on-gipa chanchiani E ko niatbo.

G. Ian bilakgipa toromni dol ong-gen (Parape-a 13:3, 8).

Kosako on-gipa chanchiani E ko niate nibo.

H. Uan Chubatsranggipako matnange agananina dosi ong-gen (Parape-a 13:5, 6).

Pope matnange aganani gimin dosi ong-aha maina uni kamalrang paprangko kema watna man-a ine agana aro poperang an-tangtango Kristo ong-a ine agana.

I. Uan toromirang baksa dakgrikgen aro a-rik sanalaniko dakgen (Parape-a 13:7).

Pope Andalgipa Chasongrango million toromirangko a-rik sanalaniko dake nisiataniko dakaha.

J. Ian 42 jarangna sason ka-gen (Parape-a 13:5).

Pope 42 katchinike aganani jarangna sason ka-aha, jean 1,260 bilsirang baksa apsan ong-a – uan AD 538-1798 ona ong-aha.

H oni J ona agananirang popeni kam baksa melia ine rongtalen mesoka. An-ching uarangko iano on-titisan nangataiaha maina uarangko Poraiani 15 ni singani 18 o chu-gimikan janapaniko dakaha.



K. Uano donugimin 666 nombor donggen (Parape-a 13:18).

la podo indine agana, "maina ua nombor mandeni ong-a," aro **Parape-a 15:2** o "uni bimungni nomborni," gimin agana." Jensalo na-a popeni sason ka-ani gimin chanchiaton badia mandeko chanchiatna man-a? An-ching popeni kamni gimin chanchiatna man-a. Uni office ni gita bimungara maia? Catholicni aganani gitade, "Romeni popeni bimungko Vicarius Filii Dei" ine onga (English: Vicar of the Son of God).⁶ Malachi Martinni *The Keys of This Blood* o segipa kitapo, apsangipa bimungchi popeko jak 114 o mingaha. Douayni segipa Sastroo **Parape-a 13:18** ni gimin talatna ka-mao sedaggipao agana, "Uni onggoni kattarang ia nomborrangko taltagen." Jakrao donggipa noksako niatbo, jean Romanni onggoni gamchatani gita bimungni kattarangko chandimon mai ong-a uko mesokaha. Changsatai, popeko u-ina gita meligipa ong-aha. "Chin" baksa matburungara popean ong-a. Itihaso ia ming 11 Isolni gita talatgipa darang gipin bilba meligipa dongja. An-ching ia matburungni giminde namedaken u-iaha, da-ode an-ching uni chin, ba nokgipa ong-aniko sandie niskagen. Indiba skanggipa, hai an-ching Isolni nokgipa ong-ani chinko niate nichengna.

¹ André Rétif, *The Catholic Spirit*, trans. by Dom Aldhelm Dean, Vol. 88 of *The Twentieth Century Encyclopedia of Catholicism* (New York: Hawthorne Books, 1959), 85.

² Adolf Harnack, *What Is Christianity?* trans. by Thomas Bailey Saunders (New York: Putnam, 2nd ed., rev., 1908), 270.

³ Alexander Clarence Flick, *The Rise of the Mediaeval Church* (New York: Burt Franklin, 1959), 148, 149.

⁴ Joseph Rickaby, "The Modern Papacy," *Lectures on the History of Religion*, Lecture 24, (London: Catholic Truth Society, 1910).

⁵ Malachi Martin, *The Keys of This Blood* (New York: Simon & Schuster, 1990)

⁶ "Answers to Readers' Questions," *Our Sunday Visitor*, Nov. 15, 1914, p. 3

V	=	5
I	=	1
C	=	100
A	=	0
R	=	0
I	=	1
U	=	5*
S	=	0
		112

F	=	0
I	=	1
L	=	50
I	=	1
I	=	1
		53

D	=	500
E	=	0
I	=	1
		501

TOTAL	112
	53
	501
	666

Roman Oikoro V aro
U ming 5 number
o apsangrikgipa
number ong-a

2

Isolni chin, ba nokgipani ong-ani chinara maia?

"Uamangni gisepo chin ong-china anga uamangna an-tangni neng-takani salrangko on-aba on-aha" (**Ezekiel 20:12**). "Ian angnimung Israelni dedrangni gisepo jringjirotna chin ong-a: maina Jihova sal doko salgi aro a-ako dakmanaha, aro snigipa salo ua neng-takaha, aro an-saoaha" (**Reongkata 31:17**). "Aro ua chinna bigil rasotako, bigil rasotgijao bebero-aoni toRomrangna inani mohorko man-aha; ua maikai bigil rasotgijaon bebero-giparang pilakni pagipa ong-gen, uamang maikai toromi ine chanako man-gen" (**Romrangna 4:11**).

Aganchakani: Ia odhairango, Isolara Uni Neng-takani Salko an-chingna on-aha ine aganenga, ian An-tangni ong-atna man-ani bil aro Uni an-chingko rongtalatna man-ani bil ong-a ine mesokani chin ong-a. Sastroo, mohor, aro chin ingipa kattarangko sregrike jakkalrongaha.⁷ Isolni chin, Nengtakani Salara, Ongatgipa aro Jokatgipa onge sason kana Uni rongtalgipa bilko mesoka. **Parape-a 7:1-3** o agana je ian An-tangni manderangni mikkingrangni (gisikrang – **Ibrirangna 10:16**) kosako segen. Uamangko Uni man-kamani aro Uni cholonko man-giparang ine mesokani ong-a. **Ibrirangna 4:4-10** o bebe ong-aniko indine agana je jensalo an-ching Uni neng-takanio napon (jokataniko man-on), an-ching Uni snigipa Neng-takani Salko janggi jokani chin gita rakkina nanggen. Chongmotgipa Neng-takani Salko rakkianiara indake mesokaniko daka je mandeara an-tangni janggiko Jisu Kristona chu-gimik on-kanganiko daka aro jeona Jisu dilgen unonan ja-rikna sikgen. Isolni rongtalgipa Neng-takani Salara Uni nokgipa ong-ani aro bilko mesokani chin ong-ahani gimin, Isolko ra-bigipa – matburung- ba rongtalgipa sal ba chinba dongnaba donga. Hai donggenchimode niate nina.

3

Pope an-tangni chin ba nokgipa ong-ani blini gimin maiko agana?

Aganchakani: Katolik catechismoniko ia bakni gimin chanchiate nibo.

"Sing-ani: Mondoliara niamni manianirango donna bil donga ine nang-o maiba gipin sakki dongama?

Aganchakani: Uo bil dongjagenchimode, ua uko dakjawachim jeon pilak toRomrangna manigiparang unbaksa bakrimna namnikpaaha – ua antini skanggipa sal Robibarko antini snigipa Sonibar salna on-srejawachim, je dingtanganian Sastroni gita dakna bil dongja.”⁸

Pope iano agananiko dakenga je ua Sabbath Salko Robibar salona dingtataha” aro indake pilak mondolirangan gitalgipa rongtalgipa salko ra-chakpaiaha. Uni gimin, pope Robibar salko rongtalgipa sal aro ian iuni bil aro nokgipa ong-ani chin ong-a ine kange ra-aha.

⁸ Stephen Keenan, A Doctrinal Catechism [FRS No. 7], (3rd American, rev: New York: Edward Dunigan & Bro., 1876), 174.

4


Indakgipa dingtangatani kamko ka-na jotton ka-gen ine Isol agansoahama?

Aganchakani: Oe, **Daniel 7:25** o, antichristni gimin talatanio, “tik dongimin salrang aro niamko dingtangatna ua chanchigen,” ine Isol agana.

A. Maikai pope Isolni niamko dingtangatna jotton ka-aha? Minggitam cholrangchi: Antangni catechismrango ua (1) Gnigipa ge-etanio bimang dake olakkianiko watchangaha, (2) Brigipa ge-etaniko (Neng-takani Salko) 94 kattarangoniko 8 kattarangona komiataha. Neng-takani Salko rakkina geetani (**Reongkata 20:8-11**) rongtalbeen janapaniko daka je Neng-takani salara antini snigipa salan ong-a. Catechism o popeni dingtangatanichi, indakesa poraiaiaha: “Neng-takani salko rongtale rakkina gisik ra-bo.” Indake segenchimode, ian je salkoba aganna man-aia. Aro bon-chote, ua (3) Chikkunggipa ge-etaniko bakgni dake سوالها.

B. Maikai pope Isolni salrangko dingtangatna jotton ka-aha? Minggni cholrangchi: Ua Neng-takani salni salko snigipa saloni skanggipa salona dingtangatna jotton ka-aha. (2). Isolni dongimin gita ua Isolni Neng-takani salni somoini a-bachengako aro chipaniko dingtangatna jotton ka-aha. Neng-takani salko Skulbar attamoni Sonibar attamona channani pal (**Levirangni 23:32**), Ua Songsrek Romeni chanani gita Sonibar waljatchioni Robibar walni waljatchiona ra-gatskaha. Isol ia “dingtangataniko” matburungchi, ba antichristchi dakgen ine agansoaha.

Neng-takani Salko robibar salona dingtangataniara Isol niamko dingtangatani ong-a – jean namen chanchina nanggipa ong-a.





Katolik catechism oniko iarangni gimin niate nibo:

"Sing-ani: Badia salsa Neng-takani Sal ong-a?

Aganchakani: Sonibar salsa Neng-takani Sal ong-a.

Sing-ani: Maina an-chingara Robibar salko Sonibar salni pal maniskara?

Aganchakani: An-ching Robibar salko Sonibar salni palo maniskara maina Katolik Mondoli olakkianiko Sonibar saloniko Robibar salona dingtangataha."⁹

Iano minggipin Katolik Mondolini aganani:

"Mondoliara Sastroni kosako bil man-a; aro ia Neng-takani Salo olakkianiko Sonibar saloniko Robibar salona dingtanganian iani bidingo chong-motgipa sakki ong-a."¹⁰

Pope iano agananiko dakenga je Neng-takani Salo olakkianiko Robibar salona "dingtanganian" Sastroni kosako nokgipa ong-e bil man-ani saki ong-a.

⁹ "Pitor Geiermann, The Convert Catechism of Catholic Doctrine (St. Louis B. Gerder Book Co. 1957 ed.) 50

¹⁰ The Catholic ReKorind (London, Ontario, Canada, Sept. 1, 1923)

5

Maikai je mandeba chanchianiko dake Isolni rongtalgipa salko dingtangatna man-a?

Aganchakani: Chinga popeko sing-doenga, "Na-a Neng-takani Salko Robibar salona dingtangatbebeama? Ua indine aganchakaniko daka, "Oe, chinga dakaha. lan chingni chin, ba nokgipa ong-ani aro bil ong-a." Chinga sing-a, "Maikai uko dingtangatna chanchina man-aha? Iako sing-na kragipa ong-engon, popeni office Protestantrango iana bateba sing-aniko dakenga. Ka-sapae iako namedake poraibo:

"Na-a angna agangen je Sonibar salde Jihudirangni Neng-takani Salsa ong-a, indiba Kristian Neng-takani salkode Robibar salona dingtangataha. Indiba sachi? Sawasa Bilagipa Isolni ge-etaniko dingtangatna bil donga? Jensalo Isol, Na-a snigipa salko rongtale rakkina nanga ine aganon, sawa agana ka-donggen, Ong-ja, na-a kam ka-naba donga, aro pilak rokom a-gilsakni kamrangko snigipa salo daknaba donga; indiba uni palo skanggipa salko rongtale rakkina nanggenma? lan namen nanchongmotgipa sing-ani ong-a, jekon na-a maikai aganchakna man-gen anga u-ija. Na-a Protestant ong-a, aro na-a Sastro gita aro Sastro gitasan re-na skenga; indioba salsnini salsako rongtale rakkioaba, aro Sastroni ge-etgipa salni palo salgipinko rakkioade, indide na-a Sastroni rongtale aganani kosako re-enga. Snigipa salko rongtale rakkichina ge-etaniara Ge-eta Niam Mingchikkungoni mingsa ong-a; gipin mingsku niamrangkode rakkina nanguenga ine na-a bebera-kua; sawa nang-ko brigipa ge-etaniko dingtangatna bilko on-a? Na-a an-tangni chanchiatang gitasan re-aide, na-a Sastro gitasan ja-rikna chanchiode, na-a Niam Gitalni mitam bakrangko mesoke on-na man-na nanggen jeon brigipa ge-etaniko dingtangataha."¹¹

Duk kattade, Katholic aro Protestantni skiani Isolni Neng-takani Salko jegalanichi gualbeani dakaha – jean Uko u-ie ra-ani ong-a.

¹¹ Library of Christian Doctrine; Why Don't You keep Holy the Sabbath Day? (London Burns and Oates, Ltd.), 3, 4).

6

Maia nangchongmotgipa mikrakatanirango Isol An-tangni niam aro Uni chinni gimin on-aha?

Aganchakani:

- A. Mitam ge-etanirango dingtangataha ine agane manderangko ja-gitotatgipa toRomrangna dilgiparangna Isol mikrakataniko dakaha (**Malaki 2:7-9**). Mesokata gita, “Je salkoba rongtale maniode ong-aia” ine mitam skigiparang skia.
- B. Uni niamni bebe ong-ani palo knana namgipa banaigipa skiprakaniko uamangni skiprakgiparangko nangnikgipa manderangko Isol mikrakataniko on-a (**Isaia 30:9, 10**).
- C. Isol An-tangni niamni kosako an-tangtangni ka-tongrangko rakatgipa manderangko mikrakataniko daka (**Zekaria 7:12**).
- D. Isol a-gilsakni bilding bildang ong-ani, duk, neng-nikanirang, aro skimanirangara Uni niamko manderang ja-rikna jechakahani giminsa ong-aha ine aganaha – aroba uko dingtangatna jotton ka-aha (**Isaia 24:4-6**).
- E. Bon-kamani somoini katchinike seanirangko skiprakna jechakgipa toRomrangna dilgiparangko Isol mikrakataniko dakaha (**Isaia 29:10, 11**).
- F. Je dilgiparangan skie on-anio rongtalgipa (jedake Isolni Neng-takani Sal aro ramramgipa ong-ani (jedake Robibar salni) gisepo dingtangatjaha, Uni ka-onanganiko mikkangpa-na nanggen ine Isol mikrakataniko dakaha (**Ezekiel 22:26, 31**).



7

Parape-a 13:16 o agana manderang matburungni chinko mikkingo ba jako ra-chakgen. Iani miksongani mai?

Aganchakani: Mikkingara gisiko chanchiako mesoka (**Ibrirangna 10:16**). Je mandean Robibar salko rongtalgipa sal ine rakkia uade mikkingo chinko ra-aha. Jakara kam ka-ani chinko mesoka (**Aganprangkpa 9:10**). Isolni rongtalgipa Neng-takani salo kam ka-anichi ba Robibar salni niamrangko manironganichi (kam, nokdang, etc) jako ra-ani ong-a. Isolni ba matburungni chinko ra-aniko manderangna nikna man-gijani ong-gen. Na-a, kamchisa, Isolni chin – Neng-takani Sal – ba matburungni chin – Robibar salko maniani chinko mesokgen. Manderangna nikna man-gijani ong-oba, Isolde sawa badia chin donga uko u-iaigen (**2 Timothy 2:19**).




8

Isaia 58:1, 13, 14 o aganani gita, maida kgipa nangchongmot gipa nama kattako Uni manderangna bon-kamani salrang on-aha?

"Inwatbo, ka-sinatnabe, singga, gita nang-ni ku-rangko chuathbo, aro angni manderangna uamangni niam pe-ako, aganprakbo ... Neng-takani saloniko, angni rongtal gipa salo nang-ni namnikako dakaoniko nang-ni ja-ako re-ekatoode; aro neng-takani salko namnikbeani, uko dal-nikode; indide nang-ni ka-srokaniko na-a Jihovao man-gen' (Isaia 58:1, 13, 14).

Aganchakani: Uni manderang uamang pap ka-engi ine Ua aganaha maina uamang Uni rongtal gipa salko ja-achi ga-dapaha aro Ua Neng-takani Salko pe-aoniko watgalchina uamangna aganaha jedakode Ua uamangna pattina man-gen. Ua An-tangni nama kattako ra-ang giparangko manderangna knachina gam-e inwatchina aganaha.

Parape-a 14:9-12 ni sagre sakgittamni nama kattani gimin chanchiatbo, jean matburungni chinini nama kattako ra-baaha, jean ku-rang gam-bee inwataha (**pod 9**). Ia nama kattara namen gamchata iako ramram dake ra-na man-ja. Ian tanga ba siani gimin ong-a! Jisu agana, Uni mesrang, ba manderang, jensalo uamangko okamon, Uko ja-rikgen (**Johan 10:16, 27**).



9

Je manderang da-o Robibar salko rongtal gipa sal ine manienga, uamangara da-o matburungni chin dongama?

Aganachakani: Ongja! Robibar salko manina nanga ine niamchi draatjana kingkingde darangba matburungni chinko man-kujawa. Ua somoio, jerangan tol-a skianirango ja-rikna miksonga aro Robibar salo olakkia – matburungni tol-gipa rongtal gipa salko ra-a – uamang uni chinko man-gen. Jerangan Jisuko aro Uni bebe ong-aniko ja-rika, Uni Neng-takani Salko rakkia Uni chinko man-gen. Jerangan matburungni chinko jechakna miksongenga Jisuni Neng-takani Salni nisan baksa mikkangchi ja-ku gan-a nanga. Una bamgiparangna Uni bilko man-na ama (**Watatarang 5:32**). Ua gride, an-ching mamungkoba dakna amja (**Johan 15:5**). Unbaksa, pilakan ong-na ama (**Mark 10:27**).



10

Parape-a kitapni gita, sako Johan Isol jrinjrotni songnoko nikaha?

Aganchakani: Aganchakanide minggitam donga aro namen rongtalbea:

- A. Jerangan Isol chin donga – chin (Uni Neng-takani sal) – uamangni mikkingrango donga (**Parape-a 7:3, 4**).
- B. Jerangan matburung baksa bak ba uni bimangko man-na jechakaha and jerangan uni chinko ba bimungko uamangni mikkingrango donna jechakaha (**Parape-a 15:2**).
- C. Je manderangan – da-alo aro jringjrotna – jeona Jisu dila, Uo pilakon chu-gimik ka-donga (**Parape-a 14:4**).



11

Da-alo Jisu maiko manderangna aganenga?

“Angko ja-rikgipa andalao re-rurajawa, indiba janggini seng-ako man-gen” (Johan 8:12).

Aganchakani: lan mairongpilgipa ku-rachakani! An-ching Uko ja-rikode, an-ching andalao, bon-chongdikjawa, indiba uni palo rasongni babe ong-aniko man-gen. Una agreba, Uko ja-rike aro Uni Neng-takani Salko manie Isolni chinko an-chingni mikkingrango ra-gen aro kenbegniba rangkarerangoni naljokataniko man-gen (**Gitrang 91:10**) jean bamgijagiparangni kosako ga-akgen (**Parape-a 16**). Aroba ian Jisuni gnigipa re-bapilano salgiona rimdoaniko man-na tarina an-chingko dakchakgen. lan an-chingna maironggipa naljokani aro Isolni ka-dongataniko man-ani ong-a!

Tarake Mikrakna Nangani

Na-a bon-kamgipa Poraiani lesson skuni lesson gittamko poraiode jagokman-pilgipa u-iataniko man-gen jean **Parape-a 14:6-14** ni sa-gre sagittamni nama kattarangni gimin ong-a. la Poraianirang (1) United Statesni bon-kamgipa dakgrikanio kam ka-ani, (2). Maikai mondolirang aro toromrang bakko ra-gen, (3) maidakgipa a-gilsakni obostarang a-gilsakni dakgrikaniko tarakbatatgen, aro (4) billion manderangko Satanni tol-napaniko daknasiani gimin talataniko dakgen. Na-a maidake Protestant mondolirangni ge-gipin jakgnio popeni Neng-takani Salko Robibar salona dingtanganatiko a-kange ra-ani gimin agananiko chanchiatode, jagokman-pilgipa aganchakanirangko nikna man-gen.

12

Isol nang-ko Uni rongtalgipa snigipa Neng-takani Salko chin dake rakkichina ge-etenga jekon na-a Uni jokataniko aro jechiba Ua dilbo Uko ja-rikna ra-chakaha. Na-a da-o Uni Neng-takani Salko rakkina a-bachengna chanchianiko dakgenma?

Nang-ni Aganchakani:

NENG-TAKANI SALNI GIMIN MONDOLIRANGNI ARO GIPINRANGNI AGANANI

Baptist: “Uano Nengtakani Salko rongtale rakkina geetani dongachim, indiba ua Nengtakani salde Robibar ongjachim ... Indioba agangen, aro mitamrang cheaniko mesoke, Neng-takani Salko antini snigipa saloniko antini skanggipaona dingtangataha ... Bano indakgipa dingtanganiko serikaniko nika? Niam Gitalo dongja – dongjasrang. Neng-takani Salko antini snigipaoniko antini skanggipaona dingtangataha ine Sastroo mamung saki dongja.” – Dr. Edward T. Hiscox, author of the Baptist Manual, in a paper read before a New York Minister's conference held Nov. 13, 1893.

Catholic: “Na-a Sastroko Abachengaoni Parape-aona poraina mana, aro na-a Robibar salko rongtalatna bilko on-aniko ritingsamanga nikjawa. Sastro Sonibar salko manichinasa bilko on-a jekon [Catholicrang] mamungdakeba rongtalatja.” – James Cardinal Gibbons, *The Faith of Our Fathers*, 93rd edition, jak, 58.

Church of Christ: “Bon-chote, chingo ia katta bichongni gimin Kristoni saki on-ani donga. **Mark 2:27** o, ua aganaha, “Neng-takani sal mandena ong-aha, indiba mande neng-takani salna ong-jachim.” Ia kattaranganiko indake nikna man-a je Neng-takani Salko Israelrangnasan ong-ataijaha, jedake Paley aro Hengstenberg chingko bebera-atgenschim, indiba mandena ... chong-motan jatrangna. Uni gimin indake chinga matchotatna ska je Neng-takani Salko a-bachengaonin rongtalataha, aro uko Adamna, Edenonin on-aha, jekon Isol pilak manderangna katchachina songaha.” – Robert Millingan, *Scheme of Redemption* (St. Louis: The Bethany Press, 1962, jak 165.

Congregationalist: Kristian Sabbath [Robibar] Sastroo dongja, aro chengoni mondoliba Sabbath mingjachim.” – Dwigth's theology, vol. 4, jak, 401.

Episcopal: “Robibar sal (Dies Solis, Romanni calendar o, salni salsa ong-a, maina uko salna dingtangmancha on-kanganiko dakaha), antini skanggipa salko a-bachenggipa Kristian dolrang olakkiani sal dake ra-gatahachim ... Mamung niamrangko manina Niam Gitalo donjaha, ba manina gitaba nangrimatjaha.” – “Sunday,” *A Religious Encyclopedia*, Vol. 3 (New York: Funk and Wagnalls, 1883, jak 2259.

Lutheran: “Gitelni salko (Robibar) manichina Isolni ge-etanio banobaba songjaha indiba mondolini bilo pangchake songaha.” – Augsburg Confession of Faith, quoted in *Catholic Sabbath Manual*, Part 2, chapter 1, Section 10.



Methodist: “Robibar salni gimin chanchianiko dakbo. Niam Gitalo maikai antini skanggipa salko olakkiani sal dake rakkibaaha mesokanirang donga, indiba Kristianrangna ua salko manina nanga ba Jihudirangi Sabbathko ua salona dingtangataha ine aganani seanirang dongja.” – Harris Franklin Rall, *Christian Advocate*, July 2, 1942.

Moody Bible Institute: “Neng-takani Salkode Edeno donbaahachim, aro ua somoionin manibaaha. Ia brigipa ge-etani “gisik ra-bo” ingipa kata baksa a-bachengaha, jean Neng-takani Sal Sinai a-brio rong-pleng dotgnio Isolni niamko seanonin dongmanaha. Maikai manderangara mingsa ge-etani niamko gale niam mingskude dongkuenga ine a-kange ra-na man-a.” – D.L. Moody, *Weighed and Wanting*, jak 47.

Presbyterian: “Uni gimin, indake mesoke on-na man-gen je Isolni niam chu-gimik bon-atjana kingking, Sabbath, Neng-takani Salde mangrake donggen ... Kristoni skianian Neng-takani Salko jringjrotna mangrakata.” – T.C. Blake, D.D., *Theology Condensed*, jak 474,475.

Pentecostal: “Maina Robibar salo olakkia? Sonibar salko Gitelni Sal ine Sastsro an-chingna skijachimma?” ... Chong-motde an-ching Niam Gitalna agreba gipinonikoba agachakaniko am-na nanggen.” – David A. Womack, *Is Sunday the Lord’s Day?*, *The Pentecostal Evangel*, Aug. 9, 1959, No. 2361, jak 3.

Encyclopedia: Antini skanggipa salko Robiba sal ine songsarekrangsa bimungko donaha, maina ua salara uamangni salko olakkiani sal ong-achim ... anti snigipa salko Isol An-tangan rongtalataha, aro ... Ua An-tangni ong-atgiminrangko uko rongtale Una rakkichina nangnikenga. Ia ge-etaniara a-gimiknan ong-a aro jringjrotna rakkina nangani ong-a.” – Eadie’s *Biblical Cyclopedia*, 1980 ed., jak 561.

Nang.ni agananiko ba sing.anirangko iano sebo



15



16



17



18



19



20



21



22



23



24



25



26



27

Ia Poraianiko Dakdilani lesson 27ni lesson sa ong-a.

Poraianiko Dakdilani lessonprakon aiao in mangipa chong-mot ong-anirangchi gapataniko man-aha jean nang-na aro nangni nokdangna namgni ong-gen. Mingsakoba watchanggalnabel!

Poraiani 15: Antichrist Sawa?

Poraiani 16: Kosakoni watatgipa Sa-greni Nama Kattarang

Poraiani 17: Isol Miksonganirangko Tarisoaha

Poraiani 18: Tik Dongimin Somoio!

Poraiani 19: Bon-kamgipa Bichal Ka-ani

Poraiani 20: Matburungni Chin

Poraiani 21: Sastroo USA ko Katchinike Agansoani

Poraiani 22: "Sakgipin" Me-chik

Poraiani 23: Kristoni Namchik

Poraiani 24: Isolara Sima Nigiparangko Dilahama?

Poraiani 25: An-chingara Isolo Ka-dongchakama?

Poraiani 26: Dingtangatna Man-gipa Ka-saani

Poraiani 27: Re-bapilani Dongjawa

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Bang-a manderangan matburungni chinko man-manaha. (1)

Ong-a Ong-ja

2. Matburungni chinara (1)

Nang-ni Social Security number
Robibar salan rongtalgipa sal ong-a
Bosturango damko segipa bar coderang.

3. Matburungni dol jean chin donggipara (1)

United Nations
Pope
European Union
Trilateral Commission.

4. Chinko pilakan nikna mangan (1)

Ong-a Ong-ja

5. Isolba chin, ba Uni bilni, aro nokgipa ong-ani chin donga. (1)

Ong-a Ong-ja.

6. Isolni nokgipa onгани chinara (1)

Bebera-gipa Kristian sakantinan on-gipa donugimin nombor.
Kusikrangchi agangipa
Ongataniko aro rongtalataniko gisik rana
Nengtakani salko rakkiani
Napbolani

7. Maikai “matburung” Isolni niamko dingtangatna jotton ka-a? (2)

Brigipa ge-etani Neng-takani salko Robibar salona dingtangata
Til-ekaniara pap ong-ja ine skiani
Bimangrangko olakkina ge-etaniko ra-gala.

8. Sastroni katchinike seanio, badita ruute 42 jarangara onga? (1)

420 bilsirang
bils 3 aro adha bilsirang
1,260 salrang
1,260 bilsirang

9. Matburungni chinko bano dongen? (2)

Jako
Kusiko
Mikkango (peo)
Mikkingo

10. Bano Isolni chinko dongen? (1)

Jako
Mikkingo
Mandeni sreo

11. Sa-gre sakgittamni nama kattarangoni badia nama kata matburungni chinko ra-giparangni kosako mikrakataniko daka? (1)

Skanggipa sa-greni nama kata
Gnigipa sa-greni nama kata
Gitamgipa sa-greni nama kata.

12. Matburung Isolni niamko dingtangatna jotton ka-aniara (2)

Bils 1 Gitalo chuti dake maniachi
Isolni rongtalgipa salko snigipa saloniko antini skanggipa saloniko dingtangatanichi
Isolni rongtalgipa salna kotarangko sal napaoni sal napaona donani pal waljatchioni watjatchiona donskaanichi.

13. Isol an-chingna matburungni chinni gimin mikrakataniko on-aha (1).

Ong-a

Ong-ja.

14. Chin, aro mohorko Sastroo jujagrike jakkalronga.(1)

Ong-a

Ong-ja

15. Robibar salko rongtalgipa sal ine manina Sastroo mamungba ge-etani dongja (1).

Bebe

Tol-a.

16. Anga Isolni snigipa salko Nengatakani (Sonibar) salko Uni rongtalgipa sal ine rakkina a-bachengna nangchongmota ine bebera-a.

Ong-a

Ong-ja.

Kosako sing.anirangna bon.e aganchakbo!



India



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :					
Nang.ni Email :					
Phone Number :					
Nang.ni Address :					
City, District :		State :		Country :	
Pin :		Bils :		Misi :	

Nang.ni contact info-ko tik dake on.bo